

四庫全書

集部

欽定四庫全書

集部

西河集卷一百七十五

詳校官編修臣曹城

助教臣常循覆勘

總校官庶吉士臣倉聖脈

校對官編修臣沈清藻

謄錄監生臣張起隆

欽定四庫全書

西河集卷一百七十四

翰林院檢討毛奇齡撰

七言律詩

禹廟

夏王四載告成功，別禪苗山起閼宮。  
玉帛千秋新裸薦，衣冠萬國舊來同。  
金書瘞井封泥紫，窆石懸花映篆紅。  
一自百川歸海後，長留風雨在江東。

江徽懷人

江徽懷人江外臺江流千里重徘徊秦人島嶼乘潮上  
漢將樓船繞地迴殘壘低連沙樹暝孤城遙傍海門開  
西陵一望滔滔水不見長帆天際來

無題

織素誰來問故妻春機當戶曲欄低箏投秦氏桑林下  
家近王陽棗樹西錦字迴看江北雁玉梭鳴傍汝南雞  
絲長日短難成匹愁煞鴛鴦半路溪

晤太倉許長水煥左遷吉州司馬賦贈兼慰

江州司馬舊高陽吳下風流屬太倉  
長水自留循吏傳嚴關曾使戶曹郎  
清秋好月逢玄度外府卑官念子將  
指顧漢庭思賈傅不教楚水厭明光

懷張七梧游粵

邗關客舍送馮驩一別三年會面難  
草短愁人還北固花開憶汝在東官  
明螺舟放珠江白瑣布衣裁荔子丹  
陸賈未歸書使斷誰從嶺表問平安

過東園

偶過東園倒接籬春風幾度憶前期  
低花起蝶銷黃粉積草生魚散綠陂  
架滿書編看愈懶門無客到起嘗遲  
借問西川王錄事可能還贈草堂貲

除夕逢立春效景龍體

椒盤栢酒傍江開彩仗青旂出郭來  
玉厯乍看今夕換蒼龍先遣隔年回  
林彫朔雪驚抽蕙地近南天早見梅  
添歲逆為除歲日他鄉何似故鄉栝

春盡林亭書事和吳水部韻

春光欲盡曉陰寒  
間向林亭一倚闌  
當牕麥氣隨風度  
隔幔山容帶霧看  
宿鳥盈巢遮葉暗  
晴蜂繞地戀花殘  
共對琴樽忘物候  
朱盤新摘小梅酸

白鷺洲施湖西席送吳百朋之任澧州即席同

陸圻韻

天涯高會惜離羣  
錦席芳洲夜送君  
樹裏星河三楚盡  
樓前章貢一江分  
翻來白鷺波間羽  
望起蒼梧嶺外雲

怪底新歌皆妙曲征西官屬總能文

二

雙江高閣上崔嵬入夜憑欄一舉杯千里重停吳隱棹  
羣賢追嘯庾公臺清歌別部風初轉換席西軒月欲來  
此去滇州應不遠南行端賴濟時才

東蜀山人

東蜀山人着素冠青蒲繞屋近河干自稱晚歲須扶杖  
人贈清歌是考槃啼鳥春從花裏密烹魚朝出竹中寒



間來時向藜牀臥種樹新書看盡難

千秋橋訪友

千秋橋畔草芊芊司隸閒堂一徑偏  
隔巷燕飛尋舊壘開門水滿纜春船  
家人慣善秦聲曲故事猶談宣廟年  
落拓相過休恨晚夕陽江上有烽烟

登臺望石門關作

春草羣飛雉子斑登臺一望石門關  
綠江烽火來三楚橫海樓船斷百蠻  
絕徼軍輸愁遠度長征都護未生還

我來不見周南郡金斗城高何處攀

旅中送張二自晉陽還歸西江

高林朝日照叢壇游子還鄉勸早餐樂氏諸兒曾許趙  
張良垂老未歸韓路分南汧黃稭熟家在西江白露寒  
帶缺揮戈年歲晚重來莫忘釣魚竿

登瓊花臺

何年創此瓊花觀不見瓊花此觀開千載名花應有盡  
尋花還上舊花臺飛鴻曉斷邗關度疊浪秋翻瓜步來

四顧憑欄一惆悵蕭蕭黃葉下蒼苔

張使君泛舟作

太守樓船駕露梯平明載酒鹿城西  
綠水漲時抽綠草青山斷處界青溪  
擬翻太液歌黃鵠曾使陳倉祀碧雞  
淼淼胥臺高未極相看知與峴峰齊

許記室新成進士有贈

三年管記在江東獻賦還來宿射熊  
並道枚臯堪倚馬誰憐鮑照久從戎  
天門日映寒袍紫上苑花傳錦字紅

舊府蒼頭擐甲去也聽鶯語到南宮

送胡揭陽之官

揭陽勝地古潮州束綬懸金起壯游  
候吏遠迎三水驛居人多在百花洲  
鮫珠散處蠻雲繞馬甲裝來海氣浮  
君到若推吳隱後玉溪應發舊清流

張梧去淮

獨上淮陰古釣臺登臨作賦甚雄哉  
頻年帶劍驅吳楚忽爾行歌歸去來  
細草暄隨胥浦漲平濤凍逐射洪開

南昌亭下春風發不見王孫哀復哀

宿東村作

東村別館傍東田猶許東家倚醉眠  
隔屋鳴笳聽漸遠疎櫺漏日影初圓  
枯荷殘暑浮新鯉高樹先秋咽早蟬  
欲上南岡無羽翼褰幃愁較白雲篇

游倪司農園亭

尚書休沐草堂成別有層軒倚水楹  
高閣恍連千堞起修廊時繞萬山行  
曉霧隔陂牽紫蔓春風前路折朱櫻

潁川才子題門巷只羨兒寬雨後耕

陳推官子龍題  
階門為經鋤鄉

送洪明府圖光之任程鄉

程鄉南去載青驪明府才名天下知  
珠海烟深行處遠  
藤花風煖候來遲  
農錢絕徼輸螺子  
官酒長亭薦荔枝  
送汝鵬飛剛六月前圖應記鳳西池

詒徐水部

南州才子水曹郎  
兩度乘軺出帝鄉  
豹尾舊懸吳市曲  
麟書重下楚江陽  
遙天芻粟通關遠  
獻歲椒花拂綬香

慚愧梁園倦游客秋風一別竟難忘

登會城望江全金二壘何四十二之杰沈太史

孫吳二徵君

江水滔滔接遠空登城遙望海門東秦皇弩仗驅三島  
句踐船軍散五戎斥地鹽潮賓雁白蠻天蕉雨客帆紅  
津亭飲宴當年事努力神州藉數公

飲梁少府

仙官趨府控金羈邀我同銜鷓鴣卮春到滿城開躑躅

晚來雙甕發胭脂江闕暇日叅卿重山坂晴雲送客遲  
小吏不知廳事散隔牆猶自聽黃鸝

桃花津前

桃花津前津路迴角巾布襦林扉開客知古事倘能說  
我亦野情當再來斜日白桐寒隔塢迎風紅蔓孃當杯  
山村處處春桑發那見彈箏秦氏臺

暮春三月吳淞招上已修禊姓適過山陰不果  
從却簡張慤徐致遠諸子



麗日晴風泖浦波青油畫鷁禊堂過江南舊俗推元巳  
吳下新亭似永和蘭葉叢舒紅錦幔桃花高漲白龍河  
千巖萬壑山陰路不見流觴奈若何

少年

少年抱劍出關中羽衛新招六郡雄久許報恩逾聶政  
平時飲酒笑秦宮雞鳴曉日黃河動雁陣秋陰紫塞空  
當日扮榆遷欲盡愁君馳馬過新豐

與舊刻小  
異數字

與祁六公子赴曲水社集

不分肩吾曲水游幸陪青翰鄂君舟殊方結客三千履  
連袂看花十二樓列伎長筵歌自緩畫屏深燭醉難留  
晚來多少江南雨瀉盡王家金埒溝

王侍御席與歌兒

御史筵前舞柘枝當筵重唱鷓鴣辭紅牙長繞青螺帶  
粉頰低垂綠玉卮人是故譙車子後歌傳秋浦謝楊兒  
蘭臺曾擬貞元宴葉底花間幾度思

嘉模曰劉禹錫詩  
花前葉底奉君王

間與  
前同

匏瓜

戲做西  
崑體

匏瓜空載兩車箱不疊蘘荷舊紫裳  
爭取百千邀碧玉何如十五嫁王昌  
樽前鳳舞黃華子水面魚吹白石郎  
辛苦盛年猶待聘當時只記善和坊

逢劉二江南行

王孫十載罷追游又上龍江古渡頭  
獨酌馬生仍作客同行李廣未封侯  
梨花滿院留青漆柳樹長干躍紫騮  
無限建康城下水年年空向海東流

孟遠訪友吳下

孟子論交真丈夫清江四月下三吳花明錦帶懸刀錯  
風送斑鷓轉轆轤長夏鶯啼過茂苑荒臺草色戀姑蘇  
淮徐北望雄千里莫道韓陵片石無

入湘湖書事

落星湖畔草茫茫別有澄波萬頃涼溪口一橋連大路  
城西幾里到橫塘青山入浪烟林動翠藻綠崑水帶長  
隔浦駁騎驚棹起蕩荷深處又成行

二

環山淨捲碧琉璃紫幕紅茵度水涯稻葉暗抽朝漑後  
荷風不斷午涼時龍堂瀨淺楊王宅

湖有楊冀王宅今為寺

鳥道

雲盤句踐祠蕩槩女兒歸獨晚前湖新約采蓴絲

衡陽

衡陽一望數峯高雁去烟深絕羽毛嶺海但能供荔子  
眞關誰與種蒲桃戈連歲擾魚龍舫花落春溫組練袍  
新息舊標江界柱天回南畔水滔滔

贈姜二承烈赴從叔上元官署

橫江草色柘袍輕  
游子鳴榔報水程  
村市春烟迷浦溆  
布帆朝雨近清明  
河陽花縣迎潘叔  
建業官廚訪步兵  
天府嵯峨形勢壯  
相逢還上石頭城

馬跡懷南士

越王山下賦離羣  
英布城前看落雲  
歲暮他鄉還作客  
春來何處不思君  
天開婺女搖晴翠  
水滿康郎漾夕曛  
陽雁欲歸愁未得  
幾回哀響夢中聞

海寧祝生過訪攜伊舅氏朱孝廉書至喜贈

嘉模

曰時朱近脩

新刻集成

微雨清秋筒簟涼誰來采苧到橫塘  
天邊落雁江湖晚篋裏懷人歲月長  
越布衣含山氣白沙門帆落海雲黃  
憐君年少能乘興攜得新詩是渭陽

奉贈屠又良解元母太君壽

錦悅張筵泛玉波高堂玄髮尚如螺  
長攜公子攀叢桂曾對靈均剪芰荷  
麗日朱函開寶篆秋風瑤瑟動雲和

陽山大節終能配庭下何難見孟軻

解元尊人殉陽山今有記

寄獻嶺東使君

金牙玉節啟龍江嶺右分藩早殿邦一代才猷專百越  
九天風雨下三瀧官亭葭吹開銅鼓蠻女花枝映繡幢  
陶侃功名君獨擅繇來國士本無雙

過南徐軍贈袁八書記

南徐幕下談兵日北府軍前對酒時愧我文章輸陸賈  
憐君慷慨過袁絲星門合壁調金鼓天塹橫江鎖鐵錐



露布草成真倚馬可曾持示帳中兒

驟雨口號三首

驟雨空亭暑氣收紅雲堆作黑雲頭檐前飛練垂垂溜  
水面圓花點點漚遠岸林明迴晚焰平田澮滿快通流  
絺衣頓覺浮涼襲多少輕紈却畫樓

二

隱隱南山動晚雷山前雨脚自飛迴浮雲擁隊爭吹去  
遠樹聞聲漸過來當戶懸珠蟲網濕衝池破鏡水萍開

不是蒼龍歸大海翻疑神女下陽臺

三

蒲葵觸熱雨初溥頃刻斜飛過羽翰  
花甃濺來衣自濕荷珠傾盡葉仍乾  
風飄錦帶垂虹細晝映金釭繞電寒  
滿地驚湍愁不定相看疑下幾重灘

入橫山宿傅大溪上草堂有感

十年九度入衡陽最愛君家舊草堂  
曲路環溪栽野竹前池拂水臥高楊  
春雲壠首驅黃犢秋雨山岷射白狼

少小逢君豪氣銳今來看作丈人行

二

橫山西上路欹斜郭母峯前水一窪曾著竹書開墅曲  
到來松酒醉村家南溪人遠留紅樹隔塢天寒噪白鴉  
我欲乘船歸渡口期君三載種桃花

衡門

衡門寂寂傍江涯曲徑新成到轉疑風吹粉蝶翻花桁  
雨後青蟲滿豈籬漁網入陂牽縵細農歌出谷應聲遲

短衫相過長載酒不須陶令在東菑

客中送董匡北征

朔風貂帽向皇州愧少琅玕贈遠游  
鵬翅乍分雲外路梅花先發驛邊樓  
賓開燕邸通侯第詠並臨淮估客舟  
上苑春光鳳城月幾年迴炤越江流

中州元夕觀鄉飲有感

石經門下早啼鶯遺老猶存饗序情  
鳩杖扶來方醉酒鹿鳴歌罷自吹笙  
官街火樹縈星畫曲巷香車待月明

伊昔洛陽圖畫裏春風幾度會耆英

康臣宅感賦并憶蕃鮮

多年不見沈休文  
府市南頭一訊君  
兄弟婚姻驚老大  
池臺今昔感離分  
羊羹對酒臨秋節  
鼠麥銜花散夕曛  
却憶美人南浦外  
湫風淒雨渡江雲

欲留當壚次凡不得舟發全姜八孝廉占凡字  
浙浙江風吹布帆  
長征空賦石巉巖  
寒來沽酒停行客  
醉別當壚是次凡  
雁柱橫胸愁轉結  
螭環脫臂口難銜

射陽湖畔江潮落不辨流波苦共鹹

二

斜日將沈少婦崑迴船浦口繫青衫同心未許乘油壁  
載妓何曾掛繡帆舊院雙扉樊素宅新歌一曲杏黃衫  
醉拚枕藉洲邊露猶自燈前認次凡

東城

東城初躍紫驂騮萬里親隨博望侯赤羽自傳光祿塞  
紅粧新下綠珠樓春還海雁天南盡日照黃河水北流

寂寞朝鮮津吏婦長聯裙帶學空篋

中夏寄贈宛陵施先生初度

江左衣冠尚未零琴溪曾見老人星  
聯吟時並潘尼詠賭墅忻留小謝庭  
蒲瓊流霞傾綵鳳桃笙捲雪臥飛螢  
自憐長買餘杭酒不及稱觴到敬亭

先生為愚山從父故頌云

奉贈南關徐水部樞使君

冬官分權並河渠載得龍門平準書  
自聽猿啼懷木客還懸豹尾算商車  
庭開鼓蓋翔朱鷺榻下江潮滾白魚

倚梓榭楠誇美麗可能裁構玉臺餘

贈閩中張明府宰會稽

郎官萬里出巴西獨綰銅章到會稽  
江上早寒頻去虎山前春暖自驅雞  
思玄舊擅南陽譽博物重開禹井迷  
何處傳君游覽興馬臻橋畔賀公堤

叅上人還歸西陵

道人九月渡西陵閒看湘雲杖古藤  
六十年來三藏法萬千山裏一歸僧  
桑花翠薄珠林雪蓮葉香開梵井冰



到處錫飛忘甲子那知此地有懸燈

贈沈探花荃歸雲間覲省

雲輶初出少陽宮覲省還歸泖浦東  
丹詔捧來瑤殿側綵衣裁在杏園中  
波翻瀛海冰魚白日滿包山橘樹紅  
此去慈親方五十羨君年少邁諸公

東茂倫

城雪初消想茂倫吳江草色綠粼粼  
關門練合春調馬天畔虹低晚渡人  
金匱簡探雲樹渺銀牀甕抱土花新

阮生亡後嵇康死一望輅車最愴神

茂倫號抱甕丈人見七古卷

姜太翁月夜邀泛鑑湖

城南一棹泛清漪永夜來游賀監池風起平翻花底練  
月流遙漾鏡中絲開樽靜久鳴箏細撒燭涼深下幔遲  
萬頃波光明似雪誰來不作剡川思

西河集卷一百七十四

欽定四庫全書

西河集卷一百七十五

翰林院檢討毛奇齡撰

七言律詩 二

題陳廣文長興學舍

天半蒼雲散畫檐  
官齋習靜晝垂簾  
無錢不問蘇司業  
有酒長携烏子瞻  
下箸花從春後發  
前溪水向夜來添  
攤書獨擁皋比坐  
門外爭投問字繚

陪天童鐸菴兩和尚立雪齋雨集食桃時天童  
有食桃之問予不能答用長慶體和韻即事  
設食香林養大慈何期得遇道安師同來白雪巖邊坐  
正是黃梅雨過時山葛覆肌涼未解冰桃到口味方知  
當前不會無生法欲下殷籤遲又遲

二

空亭高坐為宣慈況對人天兩國師豈是可中纔過午  
曾經大內住多時

天童曾住大內  
萬善殿故云

雨來拂面空相覲雪

後探心了不知，祇為伊蒲香供好。綏桃在手，食嘗遲。

集劉謙吉進士園賦得高枕乃吾廬同高宗楫  
司理鄒嶧進士劉始恢喬萊兩孝廉韻

名園綠樹映芳塘，冰甕初開水閣涼。興到客能尋遠嶼，  
醉來我欲睡匡牀。牆陰日下葵根煖，檻外風生藕葉香。  
賓主悠然成靜對，渾忘此地是他鄉。

同周司理令樹施憲使男胡大以寧方二中通  
陳四晉明堵三鳳烝夜集蕭伯升江舟分韻

清江高楫郡臺前  
永夜金樽襟管絃  
座客多才憐異地  
主人有酒似平川  
天星散映廬陵樹  
燈火遙來章貢船  
醉裏未能騎馬去  
風流思煞習池賢

答和長洲陳太僕書懷二首原韻

並向吳臺憶舊遊  
洞庭黃橘醉高秋  
人歸東道除三徑  
贈到南金動四愁  
日上海雲回遠岫  
霜清江葉下孤舟  
伯通橋畔長洲路  
杵臼相將願未酬

衣冠東第舊歡娛  
兩市三臺望去孤  
天下事將憑管葛  
吳中人半在菰蘆  
寒雲鵬障流逋戍  
細雨羊裘坐釣徒  
滿地江湖愁間濶  
欲于何處問鵬圖

和方二中通韻并酬

曾來拾橡到山阿  
喜爾攜予崑下過  
浦口再逢秋色遠  
天涯相見暮雲多  
寒駒只解霜中路  
飛鳥驚聞河上歌  
欲採芙蓉隨汝去  
大江風雨奈愁何

龍泉李郡丞蔡宏詞偶集和韻

西來紫氣滿龍泉，高蓋忻逢鄴下賢。  
俊久傳元禮譽，千秋重較少君編。  
寒花摘向初冬候，歸雁歌成太始年。  
羨汝天涯能有會，雙車齊宿草亭前。

送別高二彥彪

送客江關花正飛，關前弱柳折來稀。  
兩年官舍同寒食，一曲離歌共落暉。  
碧草馬蹄憐去路，紅亭酒色上征衣。  
他時訪我錢王渡，勿傍桐君舊釣磯。

朔方



天拔神兵罷朔方雙韃不復掛漁陽  
三秋白草綠關斷  
萬里黃河入塞長  
鏤柱分標滇外戍  
金書異姓漢中王  
從軍久負匡時畧  
愁見開邊到夜郎

文生卜肆

繩囊紗帽守龜巖  
閒臥青谿第一橋  
京易早年開碧檢  
市簾春晝下丹綃  
三街雨洗天寥濶  
四壁星飛海動搖  
正棊旋碁憑布伏  
縱譚玄箸自超超

薄暮飲龔氏別墅

櫻桃廳院晚棲鴉促席留歡日欲斜醉裏關心三部伎  
牆頭焰眼數枝花金樽細度低紅袖畫燭高烧出絳紗  
車轂繞門流水去滿堂愁煞奏琵琶

詠芍藥和韻

花純白  
中紫

層臺不復擬臨春尚有穠花倚檻新  
低列玉釭浮紫焰  
近前嬌女弄朱唇輕風吹合堦頭影  
曉霧濃沾砌上塵  
斜折一枝爭語笑幾回妬煞尹夫人

寄陸嘉淑

平原分手贈青堂蕭齋孤居對綠楊  
百里信隨寒雁杳  
三秋思入暮雲長  
草花露冷生磐石  
蟋蟀燈深下屋梁  
京洛倦游能再過  
城南尚有午橋莊

奉祝丁太翁比部初度

飛濤尊人也

錦瑟高堂娛丈人  
聯翩彩袖雁行新  
桃花水淺江門曉  
琪樹雲搖海洞春  
鳳詔重開金簡露  
鸞牙分舞玉階塵  
長庚同是西方宿  
瞻在秋官第一辰

二

東風二月柳條舒西第新乘廣德車  
玄澗玉華齊暮雪餘杭酒煖及春魚  
八龍並下盤中食三婦爭裁機上書  
暇日兩湖尋勝事仙人多少在樓居

蓮公還住淨土寺

飛錫還歸湘水東丹崖翠壁舊龍宮  
早開鐘磬浮雲外不盡山河寶鏡中  
珠樹臨壇垂雨綠金泉洗鉢落花紅  
高峯萬仞前朝塔誰道重來有誌公

飲宿采鳳堂有贈

芙蓉曲路晚生寒，白恰重逢話未闌。  
桂酒昏星留國士，菘羹秋露餉園官。  
長安購起千金賦，南郡攜來雙玉盤。  
羨爾才名成鳳羽，高飛時作錦雲看。

過大敬

春城高柳未垂絲，迤邐城南問故知。  
城頭啼鳥千般怨，城頭一抄  
病起尋人幾倍思。  
青山隔郭來新霽，流水當門似舊時。  
相看欲採幽蘭去，却恨花開遲復遲。

江上逢友人

煬帝宮前老樹村  
宮花宮草與誰論  
君因伐輻來江滸  
我亦觀濤到海門  
竹路寒烟迷遠嶠  
茅堂斜日對雙樽  
漂流同是驚翔鳥  
瀨上聞歌欲斷魂

重過祁中丞寓山別業

中丞別業寓山莊  
垂柳依然覆野塘  
北寨舊扉崑下遠  
寨一作柴南湖高閣雨中涼  
幽欄石竹翻鴉子  
敞殿金花供象王  
止水可憐沉劔履  
重來疑撿碧霞方

同姜十七梧過倪司農園訪陳二待詔

名園綠水接朱扉坐對黃冠解息機安道幾曾矜善畫  
陳登終自惜初衣蘿橋雨過紅櫻熟麥壠晴薰白鷺飛  
轉餉司農愁不返逢君空拂舊林霏

贈徐徵君

徽之講學又  
雅善兵法

久向南州卧碧雲百年忝作老同羣關西學術推夫子  
天下英雄只使君負俗偶然隨漢臘荒城誰得避秦軍  
春來喜遇東亭會倚杖行歌日未曛

杪夏集金孝廉燾同中州許三禮明府

河朔清觴映晝暉  
炎堂靜對轉霏微  
盤間雪水傾瓜果  
醉裏薰風動葛衣  
羌管倚吟翻碧浪  
林花散日上朱扉  
洛陽才子蘭亭宴  
不倒春缸不忍歸

送人之耒陽

湖北湖南水盡浮  
杜鵑啼歇過衡州  
幾重高峽穿天下  
萬里平江入漢流  
念母徐生終去魏  
思鄉王粲故依劉  
恢台孟夏烟花隔  
鄂渚辰陽愁不愁

中秋前一日集曲江樓分賦



高會羣登江上樓魚龍百戲繞三洲歌鐘響徹天垂幕  
火樹烟生月滿舟賦就明河堪永夕人傳來日是中秋  
滿門車騎傾吳楚無奈燈前送莫愁

有訪

戲作西  
崑體

兩度城南問狹斜清江細路到來賒門前雨歇憐禡樹  
牆角春寒有杏花翠幙幾重喧鳥鵲銅鑲半面釘蝦蟆  
青驄舊日行過處還記西隣第二家

送劉使君兵備辰州

朱衣雙導沅江頭外幕分曹護督郵持節遂行真刺史  
懷錢不受舊劉侯龍檣直下黃牛浦葭鼓橫開白鷺洲  
明到百蠻應弭服黔南自古重辰州

寄李侍御

南臺分察一車輶巡視軍鹽下浙潮漢代餉曾歸使權  
越中兵又敗夫椒黃冠難返銅魚渡烏幕還留朱雀橋  
驄馬幾時閒外廐可憐髀肉竟全消

江東雖小尚兵連獨撫鹽車近一年繡斧未巡新屬國

霜毫猶記舊蕭然

侍御有蕭然山  
行辱寄辭極悲

離鴻夜戍遷龍塞布

穀春耕叫鳥田直指荷戈曾下瀨相思長訊上潮船

赴山陽呈朱禹錫明府

小山仙令種花居卧理三年有治書太史已占臨穎鳳  
故人方乞射陽魚琴臺高詠淮南操官舍長停泗上車  
佳客臨邛千載事願君還念漢相如

九日雲起閣登高分得鹽韻

并序

八月幾望集淮陰張吏部園各賦詩三章九日復集  
雲起閣黃花映酒清歌遏雲雖非復嚮時繁會而風  
景悠然東山釣史分韻牌賦詩時請摘去險韻勿許  
姓最後到日將墮應手抽牌得鹽韻舉座譁然曰果  
然蓋預擬相難也復有五古題一賦得秋菊有佳色  
高雲千疊繞朱檐九日銜杯啟畫簾  
襍珮萸囊盛曉露  
滿堂菊影待秋蟾金盤初下冰魚鱠豔曲新翻阿鵲鹽  
彷彿臺前重戲馬  
凋鞍扶出醉厭厭

朱明府放生池公讌同張纘孫查繼佐吳百朋  
俞之璧即席

淮令張筵啟暮衙珠壇深處集高車  
緋紗爛映池中月  
寶樹香生座上花  
醉合清樽交履烏  
風吹散拍繞琵琶  
主賓共擅東南美  
只恐嚴城噪曙鴉

寓吳江塔寺巢雲房贈竺蘭聖宣二上人

江觀雲開第幾重  
巢雲精舍幸相從  
庭前寶樹浮千級  
座上蓮華有數峯  
擲塵暗飛金鷲  
談經清滴翠芙蓉

我來正值秋風發，真見前湖起洞龍。

淮陰道遇淄川張黻之江西有贈

淮陰道上遇王孫，家在般陽笠樹村。  
朝雨旗亭分玉勒，秋花幔渚共金樽。  
使君雄劍探江縣，公子倉琅下木門。  
相送圯橋渾一醉，高文細與客中論。

一草亭同韻

有序

游子歲寒良，朋宵晤霜月。  
流地嚴飈襲衣共，銜匏子  
之卮爭擷梅花之句，一亭合唱四韻依成。

落落天涯一草亭  
寒風濁酒夜談經  
樽前燭樹光浮檻  
靜裏梅花香滿庭  
高唱互為林下詠  
疎櫺時度斗間星  
更闌誰弄桓伊笛  
吹徹關山不忍聽

江上餞周司理赴虔州

星輅計日上虔陽  
共集仙舟泛渺茫  
山翠幾重銜晚照  
江流萬里瀉清觴  
安成郡裏紅旌發  
章貢臺前錦纜長  
合座聯吟愁思起  
朔風歌吹滿滄浪

二

王程漸近反難稽南上高旌促解攜樽酒共留江浦外  
官艚仍泊郡亭西紅魚撒浪當筵起白鷺橫沙舞幔低  
此去風流應自惜虔南司理重濂溪

寄贈施比部提學山東

名曹外簡重文衡特指星麾歷下城炙轂漸祛齊辯士  
束茅先待魯諸生滄溟水漲春潮濶岱嶽雲開曉觀清  
漢代五經誰第一相看惟有舊施卿

愚山督學山左遠辱書問并饋買山之貲四韻



代答

獨坐春風草太玄  
故人新饋買山錢  
王郎不用吳奴米  
江革還披謝眺氊  
鴻雁荒途愁思渺  
芙蓉遠道寄來鮮  
側身東望相從晚  
手把英瑤倍黯然

姜掌垣舟集即事三首

畫舸橫牕捲碧緜  
黃門邀客泛清溪  
草頭烘日鋪茵煖  
水面攢山接黛低  
白苧歌來翻白鷺  
青芹煮就漉青泥  
隨波十里南塘路  
大禹陵前西又西

二

村亭崦路撒鳴騶換席移尊過別洲故國祕書懷賀監

東川佳客重羅侯

溧陽羅一丈在座

林迴日影開雲葉雨過山

風滿壁油啼罷午雞重作伎橫溪簫管在中流

三

青絲暝色繞迴塘崑畔穿雲日脚黃水閣虹燈遮紫幔  
山城獸管掛倉琅迎舟快霧鳴宵鶴疊檻分星對夕郎  
一聲長笛重回首江樹江洲共渺茫

寄施誼

何處關山憶舊京  
草青還見闔閭城  
田連海上琴難學  
庾信江南賦未成  
陽雁再來逢雨雪  
寒花不斷繞柴荆  
天涯兄弟猶相望  
欲上層樓百思生

西里先生

贈任屏  
臣三丈

西里先生白苧衣  
園花開落舊柴扉  
不關好酒長收秫  
時有高歌戀采薇  
暮雨客彈飛雉操  
春江人在釣魚磯  
戴逵入剡將投老  
六十年來一少微

二

巨塘長絲展釣車伊人秋水傍蒹葭夏公鄉下傳高詠  
許掾祠前是舊家座上琴樽銷永日圖來丘壑繞丹霞

湘山多少滄洲意不及青巖幾樹花

屏臣號青巖居士有記年圖

下商氏牡丹臺經年後為雨臣內家闈花時仍

得假一觀因做劉兼光福寺牡丹詩體應和

時其內家詩滿左壁矣

昔年曾住牡丹臺三尺紅衣對面裁今日重尋芳草路

一行粉臉背人開橫欄初下鮫絲箔新曲誰歌鷄濫堆  
數載洛橋尋勝去不虞還向此中來

祁二兵憲舉子

春盤細菜籠青絲又是金錢試浴時蘭夢偶徵烏鵲會  
桐孫再舉鳳凰枝夫人好比參軍婦遙集生為阮氏兒  
男子懸弧當有用勿教空誦鯉庭詩

游少林寺

少室諸天天際開翻經一上魏王臺幽巖風靜三花落

全唐詩卷一百七十五  
卷一百七十五  
絕澗泉分五乳來漢禪遠留金貝葉秦官高覆石壇槐  
歸雲迷却丹龍洞尚有閒僧坐翠苔

客舍贈建康胡公子以寧

相從客舍久依依江左風流天下稀理事自應推伯始  
知名真不愧胡威霜高一榻橫清漢歲晚雙樽傍落暉  
慷慨前期何處問臺城南上舊烏衣

題丁克振樓居

庾公不向武昌居矯矯元龍百尺餘頻理詠歌臨大道

長環泥水謝高車重簾花散天邊雨兩岫風生几上書  
日暮空欄愁倚徙春鴻歸盡海門虛

姜兆禎啟昆仲覲從兄侍御維揚官署

法曹清夢豸堂開遠覲爭看赴洛才陽雁曉從京口下  
寒濤秋捲日邊來驄花並轡趨公府瓊樹高枝接郡臺  
勿訝君家長共被繡衣清冷舊相推

人日書懷寄大敬

蕙葉椒花對酒尊珠幡寶勝綴春門幾年客卧山陰市

卷一百七十五  
七  
七日人歸江上村風裏叢條粧燕子堦前細草待王孫  
懷君欲作登高會一望城南幾斷魂

送駱叔夜北行

離亭落木正蕭蕭又見長帆去影遙挾策幾年淮海路  
傷心再渡浙江潮寒風絕塞吹青雁霜月橫空擊皂雕  
叢桂故山秋正發一枝還擬贈河橋

商公子席上作

公子霖臣  
冢宰公嗣

曉日瞳矓甲第開青葱玉樹焰銜盃列侯幸識韋賢後



吏部重看山簡來冠組乍交分簿箸歌鐘肆起近樓臺  
繞堂灑灑長濠水欲挽東流使倒迴

祁湘君催粧

有序

夫易占乘馬戒其盤桓詩詠集鷓遽如飢渴則唐女  
惜三星之遲韓媿驚八鸞之快是無故捲簾當勤去  
扇宜速也在昔雲安下降詔作催粧安樂成婚賦將  
移燭故鳳臺教北府頻迎鵲路怕東方漸曉雖復懷  
中石子種待踰年亦且池面冰花泮諸一旦矧羸娘

仙早容易將翔衛玠官高較難久立固宜褰帷拂嬌  
女之眉却障索才人之詠矣夫祁湘君祁中丞之細  
女亦沈大行之少媳也祁雲爛然不需韓樂沈郎瘦  
去願贅齊庭當夫西施江畔紫炬星飛梅尉山頭綠  
屏霧捲牛女耀東書之壁中丞第左廂  
名東書堂鳳凰迓西里  
之賓垂龍載見瓊蕊旋開捧雁來游穠桃預啟則有  
貴家上戚寶馬珠纓故第名姻玳筵綺席叔隗擾公  
子之親孫子以護軍為戲加之中郎阿大執燭調花

顧婦謝家弄觴承盃則亦有東京才子洛城麗人隨  
綵騎以願觀靚祥雲而遠屆看施紅粉還陪畫額之  
夫私抱青芻竟秣凋蹄之馬既已輸翡翠于橫陳效  
烏鳶之切噪然而天上光遙人間夜短金莖垂素手  
露溢銅卮紅藕咽青鱗水浮銀箭曩者姓選越詩末  
延閨秀曾誇梅市甲于海內自忠愍擅太傅之聲夫  
人作京陵之範閨中三婦博學高才庭下九嬪尋章

摘句楚纓趙璧

奕慶奕  
喜配

援婦誠以著書發英修媽

湘君

姊樂諸兄之同硯固已軼大家之漢史駕伏女而傳

經況湘君者貌擬桃夭才逾柳絮怨詩思父邁等吹

笳秋月貽姑比之顧菟

怨詩秋月皆湘君詩

及升筭之妙年臨

結襦之勝事羣相樂歡牲黍嘉與其忍令青銅鏡裏

久佇芙蓉碧玉樓頭尚弛琴瑟則是吉甫之迎蹶之

章召公無嫁姬之誦也爾乃介爾奕喜索我催粧仍

示湘君因之啟帳維時上官懷巨秤云有當于考功

之褒陸暢謝伽併疇則加以內人之誚

中丞愛女早乘龍徐着銖衣下碧峯紅粉久調金菡萏  
青銅時對玉芙蓉屏高喜見花雙樹扇底愁遮山萬重  
莫厭催粧徒聒耳漢宮待詔重吳儂

二

雙成促駕似流泉索我題詩畫燭前戶外分銜九子綬  
帳中低撒五銖錢故遣浮雲粧寶鬢旋將明月作珠鈿  
因爾天孫能織錦有人先製鵲橋篇

三

豸府沉沉蓮漏催吹簫爭引鳳凰臺憑隨帝子雲中度  
真見王郎天上來寶袂暗舒連理字瑤鬟笑捧合歡杯  
粧成莫待朝霞起滿院叢花滴露開

四

萬條銀燭焰都房陪列金釵十二行屢倩黛烟書錦字  
猶臨粧鏡着衣裳停軒別遣催花使隔轆羣扶新嫁娘  
恰是湘君太容與頻勞宋玉賦高唐

五

紅絲久繫沈郎腰，只待名姝贈握椒。  
早歲雲章傳赤縣，臨時春水漲藍橋。  
青蚪啟馭調珠轂，丹鳳銜書出絳霄。  
太傅堂前饒好事，拚為烏鵲噪朝朝。

長至寄懷吳江徐崧

數盡秋風白雁羣，更逢長至一思君。  
高楓冷墮吳江雨，半岫遙分笠澤雲。  
孺子恥膺三府辟，偉長時著一家文。  
漢宮此際才添線，不用隣家刺繡紋。

同韻贈王玉映閨秀渡江

樟亭西望古錢塘終歲他鄉復故鄉  
綵筆題來當上已畫船載去又重陽  
千層羅綺波紋細十里芙蓉江岸長  
吳苑楚宮能遍歷他年青草恨茫茫

悟雍陳二生東游

羨爾雄才洛下知玄亭相對暮冬時  
陳平自許能懷璧雍伯何曾只販脂  
幸舍橫琴圍燭短西園疊鼓奏觴遲  
浮雲一去空南北何處同尋黃絹詞

西河集卷一百七十五



欽定四庫全書

集部

西河集卷一百七十六

詳校官編修臣曹城

助教臣常循覆勘

總校官庶吉士臣倉聖脈

校對官編修臣沈清藻

謄錄監生臣張起隆

欽定四庫全書

西河集卷一百七十六

翰林院檢討毛奇齡撰

七言律詩

三

西園書感

河中之水莫愁家不數南鄰張麗華  
相逢恰是三春裏  
連入看當一園花  
斯時挾瑟彈流水  
此日傾樽繞落霞  
誰信平臺誦賦客  
十年漂泊在天涯

江上逢何永紹

樅陽才子郢中行  
江上逢君詩倍清  
客裏梅花冰雪候  
天涯樽酒弟兄情  
高談自擅司空譽  
就辟何慚驃騎名  
他日呂亭相望起  
莫教春草負生平

同衛參軍登萬歲樓

參軍高興發清秋  
落日同登萬歲樓  
北顧尚驚雄塹立  
東來不斷大江流  
京門斥堠連平楚  
吳會車書領上游  
一自建康王氣盡  
凭欄千載總生愁

泗水亭漫興

去年折柳淮河曲今日看花泗水間  
此花此柳應長在他日他年何處攀  
風起宮臺來古縣雲開芒碭見空山  
千秋城下蕭條久不信春光天際還

寒食渡江

吳關千里燧烟通掛去長帆返照中  
三月暮春行海畔兩年寒食渡江東  
風吹官柳城邊綠雨後山花壠上紅  
惆悵故園年少在鬪雞蹴踘與誰同

風雨渡鄱陽湖

鄱陽東匯大江隈，渺渺層陰曉未開。  
萬頃波濤連地湧，一時檣櫓自天迴。  
山浮星子蛟龍起，雲滿湓城風雨來。  
莫道南溟苦流滯，此中尚有濟川才。

同諸公陪蔣斐集蘭亭

青龍江畔舊鷗夷，採戢還來古會稽。  
車馬共臨遙渚外，衣冠高會夕陽西。  
風搖修竹歌來緩，栝汎春潮坐欲低。  
猶是永和王謝客，禊堂千載望中迷。

飲宣城王博士宅喜遇丁禮部澎

時禮部還自塞外

謝朓高樓不用攀，開樽只對敬亭山。  
為看秋色停征屐，喜見春官佩賜環。  
遷客九章詞句苦，思君十載鬢毛斑。  
獨憐決起搶榆鳥也，滯江湖久未還。

寄酬海昌陸宏定

不向山頭擷紫芝，空令腐草蔓桃枝。  
風霾菁磴吹霜薄，日斷茅堂解凍遲。  
陸賈自無干帝語，毛萇空受獻王詩。  
天寒衣帶從來緩，深愧加餐慰素思。

送丁四六世弟北游

鴻鵠將飛怯羽翰  
登程猶自惜衣單  
受書共憶聯牀苦  
古調誰歌行路難  
薊北黃雲驅季子  
山中白髮老師丹  
前途剛值東風厲  
客舍雞鳴慎蚤餐

海東

與北平韓子  
晉懷舊作

曾無候騎至回中  
屢有旌旗向海東  
去節王烏難繕塞  
懸金魏絳又從戎  
營連白晝龍城暗  
鏡發清霄鷺羽紅  
燕領猿肱愁未見  
封侯重數漢諸公

木弟桐音伯調奕慶諸子集東書堂各有詩見  
懷悵然賦之

茫茫遠樹一江分  
漱漱流泉兩岸聞  
愁思自能依落日  
故人不用賦停雲  
潯陽地僻追三隱  
林下名高愧五君  
滿目黃蘆圍水宅  
幾時歸雁好同羣

施大公子彥淳生日作

清江綠草焙青袍  
二十趨庭一俊髦  
有弟共分荀氏玉  
憐君先佩呂虔刀  
經傳碧嶂星俱動  
候近朱明天漸高



自愧修塗長擬附春風  
萬里鳳凰毛

客中襖飲值朱三驛元生日

名賢久集楚江濱  
不道相過又暮春  
三月良辰稱上巳  
百年初度在庚寅  
殊鄉未負懸弧志  
躍水誰為捧劍人  
故國蘭亭重吾侶  
莫教歲宴轉傷神

寄廣州使君

使君五馬去南天  
皂蓋彤幃領郡年  
廉勵久推吳處嘿  
風流何似謝臨川  
行春人在珠江裏  
來暮歌成桂樹邊

五月南征吹笛香嶺頭誰遣一枝傳

枉蒙王公過問闕展侍且遺減菴二集捧讀因

寄

王子洲中塞亂流越人無分賦同舟尋來禹穴探前史  
載去東陵是故侯夜雪幾因興盡返明珠不惜暗中投  
君家自具名山業擬報千秋思未休

寄傅宗孝廉尊公江園

東風吹日上江汀野老江園酒未醒最喜道傍無剝啄

且看滕下有寧馨三春柳葉穿鶯語百尺桐花繞鳳翎  
五十年來蓬島興幾時同醉草玄亭

寄何奉新

兩度西江採綠蘋南昌城下幾逡巡共稱子賤真賢宰  
最念何充是舊人牛斗星寒酤市暮龍溪花發訟庭春  
歸來倘覓柴桑侶應有扁舟到奉新

寄送周司馬赴雲中

平城司馬詔初頒萬里南天引旆還星使蚤辭牛斗郡

雲州高入雁門關  
王程供帳三春後  
客路滄波一棹間  
徒寄相思當飲較  
虔陽花樹望中斑

二

從來刺史重雲中  
此去應垂佐郡功  
異代賢王猶講射  
君家太尉本清戎  
白羊山映春田綠  
金鳳城連夜燒紅  
暇日題輿增騁望  
可能還顧舊江東

酬麻二處士乾齡

聞君高卧古稽亭  
邂逅江臯草正青  
一代曠情同蠟屐

千秋遺恨在過庭當關候雁天邊盡滿眼春雲海畔停  
莫怪和歌忘蔓草毛詩廢久恐難聽

施使君臨陽講堂作

臨陽采藻誦于胥喜共羣經載後車旆裏蛟龍全拂騎  
堂前鶴雀重銜魚韋賢自領諸儒學盧植終傳刺史書  
壑畔遺編方倖託敢言河上有先廬

李贊善歸覲

曾參詔許下銅樓賜傳還鄉擁桂旂江橘蚤垂南苑露

陔蘭長樹北門秋  
蓬池鯉鱸遺羹在  
粉署磚花愛日留  
賚得纈袍當綵服  
何須不作錦衣游

舟過金山

昔年曾取中泠水  
正值梁王北顧時  
揚子驛前雲漠漠  
潤州城下草離離  
千秋鐵鎖橫江險  
三渡金山破浪遲  
當日妙高臺上路  
峒峩不見使人思

客中元日

金雞唱盡曉鐘天  
元日他鄉倍可憐  
隔歲總成虛度月

今朝重數未歸年  
梅花香煖開官閣  
藍尾枯深醉客筵  
誰道故園東望遠  
春風萬里蚤回旋

長至

長至長留樊水濱  
三陽又見琯灰新  
登臺誰似書雲客  
舊館曾攜漆線人  
道遠屢違江下信  
律窮終度斗邊春  
他鄉風物年年改  
欲折梅花淚滿巾

送王五文璜游成都

臨湘西去一孤舟  
高溯瞿塘上益州  
萬里橋懸秦棧樹

七盤關控蜀江流，郫筒春酒招山館。  
錦堞秋花繞郡樓。君到若逢裴節度，  
草堂雖好莫淹留。

漫感

芳草生時憶故居，洲中帝子尚愁予。  
遺人千里雙鸕珮，誤我多年尺素書。  
桐苑雪花春乍煖，叢臺雲氣晚難舒。  
可憐只住空潭曲，盼殺琴高赤鯉魚。

途中襍感一首與茂倫

幾見濡須春水生，逢人不用悔微名。  
悔一作無材濫著吳



都賦好辯難降燕將城車輓歲連橫海粟戈船春發下  
江兵摩天鴻鵠翻飛杳隴上何人敢輟耕

吳陵望月呈姜侍御

吳陵望月獨登臺萬里清光冉冉開海樹叢生秋雪落  
江門一片夜潮來人逢在渚袁宏放嘯起高樓庾亮才  
只有南飛烏鵲侶月明繞樹不曾迴

即事

為病校  
書作

銀牀斷綆有誰收人病還歸江上樓皓月近雲行過疾

空欄壓水坐來浮  
開奩夜起燒殘蠟  
捲幔涼生墜曲鈎  
滿院穠花開不盡  
一枝迸作露華流

塞上

五陵年少喜擒生  
長在居延道上行  
天馬幾時來絕塞  
秋風一夜入重城  
黃花戍裏明戈劍  
白雁關前捲旆旌  
祇恐城南留少婦  
月明中夜怨長征

同雲間吳山人沈翰林游紫陽洞

橫江高堞倚天梯  
曲磴盤空極望迷  
雪盡兩峰寒雁度

烟臨萬戶夕陽低層巖裂石分丹壑一竇穿雲滴紫泥  
坐對瀛臺仙仗客何年蓬海共招攜

海昌沈亮采陸嘉淑過黃大運泰文園登高峰  
刺史園林曉未開一時雙玉照人來共登高嶠風初霽  
坐看寒江水自迴山木接天懸畫棟溪花散雨落蒼苔  
雲間兄弟東陽友誰是文園作賦才

漫贈

陽平樂部錦雲標中有真娘似阿喬曾下吳宮教度曲

重逢隋苑聽吹簫雙瞳夜剪巴江雨一笑春生揚子潮  
杜牧未來韓判去可憐二十四條橋

垂虹橋投顧有孝居

曉風吹雨到吳江百丈垂虹似飲駢新水茭花橫夜艇  
故人楛樹倚秋牕麗山初日搖珠塔震澤迴波灑玉缸  
田舍乍逢皆衣褐肯教季布徙他邦

龍江關眺望

建業重關控上游龍盤虎踞舊神州荆門西扼江流下

越徼東連海氣浮故國山河天塹合夕陽宮闕石城秋  
登臨轉覺鄉關遠日暮蒼茫涕泗流

李滌孝廉游越歸過別不值賦寄有作

才名十載重江都二月春風到鑑湖柳下荒祠來解珮  
花深匹馬去當壚迴程暮值寒潮迴遠道天低海嶠孤  
我欲西陵送歸客長帆不見浪糝糊

梁溪黃君游越

天涯冰雪老黃香皂帽相過朔吹涼月旦久傾豪士駕

風流今識丈人行鄉亭酒盞淹游屐官寺花寒駐客裝  
探秘不須尋禹穴玉函金檢鎖蒼筤

黃君到節使君下榻適在徐渭里中寺有渭題  
詩壁黃本慕徐睹畢恍然因屬記事

羊裘短劔涉江來自比山陰狂士才客舍車裝留下里  
官庖鼎肉餽香臺南州人去餘青草東壁詩題掩綠苔  
何意宣城懷謝朓樓頭佳句為君開

贈任孝廉雲蛟計偕

我歸江左還投筆君向長安又上書從此雄名高帝闕  
況同令弟在公車

時其弟傑  
新登賢書

蓬池泛雪看留賦柳汁盈

條好染裾他日內廷能名問莫言臣里有相如

友人北征

駿馬翩翩赴薊城吳關折柳送行旌良時宣室君才壯  
落日河橋客思生曉店商歌迷玉樹春盤仙露滿金莖  
三街九市千門啓只待雄文賦帝京

初春送人還吳江并呈沈進士自南顧隱居有

孝

王孫歸去草萋萋極望吳江芷葉齊  
曉騎獨驅沙雨外春帆遙墮海虹西  
車書越徼通金馬戈甲閭門罷水犀  
誰似隱侯詞賦客顧榮琴瑟鎮相攜

客邸別故人子傳以成遠游

西風對酒曲江頭數頃芙蓉掩畫樓  
健翮蚤成應萬里飛蓬不落已三秋  
蒼生久恨王夷甫佳子當如孫仲謀  
渺渺長帆雲路杳山中叢桂幾能留



中州吳文學寺寓

蒼蒼山木曉流丹  
訪剡歸舟路渺漫  
時作洛中新賦詠  
重逢鄴下舊衣冠  
江雲龍轉空臺靜  
塔樹鴉棲古寺寒  
念汝諸昆曾締好  
十年回首盡駢鸞

壽李少宗伯西湖

春官旅第啓艤舫  
萬頃湖光照七松  
東國甫侯生岱嶽  
西征天子重河宗  
麟游大澤蓬丘近  
鳳舞秋山輦路重

繩祖曰湖上西山有龍飛  
鳳舞之目為宋擇都地

當日老成看漸減  
唯公雙鬢

削芙蓉

醉後送少年

逢君醉墮黃梅雨  
送子晴登白馬橋  
去路雲銜初落日  
橫江風急晚來潮  
蒲囊永夜呼袁彥  
葛帔前途遇孝標  
我欲援琴歌伐木  
天涯四望淚瀟瀟

送徐十五緘之揚州

與舊刻異

嫋嫋長帆浙水濱  
停帆一送柳條新  
鄒陽不愧名園客  
阮瑀還為入幕賓  
赭口雪消迷賈舶  
渭城歌罷醉離人

東風前路催花發  
愁到卅關是暮春

西園燕集

和呂錫譽  
張修崖韻

西園飛蓋集名才  
知是曹劉鄴下來  
繞座哀絲揚妙曲  
滿堂高燭焰銜盃  
青蕪夜合車前草  
叢樹風生井上槐  
倒盡明河人未散  
城頭烏鵲自飛迴

六安黃曉隨權使  
自杭還京有寄

樟亭一別萬山凋  
隔岼思君對海潮  
伏枕黃梅愁永日  
閒房紫槿發清宵  
天垂雲路開吳嶽  
人與星車赴洛橋

綠綺南金無限意，莫教雨雪望中遙。

來太僕生日

圉師早歲謝天關，十載王官首未斑。  
垆野駟魚林下度，

瑤池駿馬雪中還。臨江軍散依新壘，洛社賓閒老故山。

當日趨庭隨九牧，曾平五校扣金鑲。

姜琦曰：來方伯平白蓮賊長公太僕。

與馬

贈別

欲採江花贈別離，芙蓉吹落晚秋時。  
自憐此地牽裾早，

却恨從前解珮遲  
山岫暗搖潮欲上  
帆檣不動岼初移  
相看多少留人處  
不獨垂楊幾樹絲

送葉襄還歸吳門

東尋禹嶠度清秋  
歲晏吳關不可留  
樽酒道傍遮落日  
片帆江上惜歸舟  
雲橫虎阜鄉程近  
雪滿鳧城海路浮  
祇恐愁心如細草  
春來彌望在長洲

贈關上樵使君

東南財賦挹流波  
縹緲星查下浙河  
山澤舊看行部遠

關門今見著書多  
春風市賈連甌越  
曉日梯航接海番  
自愧經生少文學  
漢庭心計久蹉跎

送王之珽之閩中

蒲帆初下楚江津  
又理征車度七閩  
甌越宮臺雲外曉  
郎官山樹望中春  
千金自載南天使  
萬里還隨下瀨人  
少小請纓終有待  
釣龍亭畔慢傷神

華亭蔣隱居六十

谷口青雲浦口魚  
杜陵遺老自幽居  
經時不用公孫學

避地還傳尹氏書  
碧海放舟寒嶠遠  
瓊臺吹笛早梅舒  
莫言玉洞金光少  
六十年來見有餘

二

十年兄事杜陵生  
有叔賢名過始平

杜陵生大鴻為隱居猶子

築室

近開三泖路  
藏書高並五茸城  
風迴鸞鳳調  
金瑟花下珊瑚啟  
玉嬰不道玄瀛洲  
畔客今來才有杖鄉情

即事

江舟歸度板橋西  
灑澱江波逐望迷  
高閣近垂紅杏小

橫塘深覆綠楊低晴風午慢聽啼鳩寒食春城罷鬪雞  
前去使君能盡興習家池館在清溪

登山陰朱相公東武山居同吳二卿禎徐二咸

清商十八命說作

台師公府領三旌賜地還留東武城開閣虛延賓從入  
築沙高是相君行環巖露網凌遙廓絕磴秋花繞太清  
十載謝安勞偃卧天階相望本昇平

二



相君治第並滄洲齊郡靈峰起壯游海內羣思師尚父  
山中曾卧富平侯崇臺萬井蹇珠箔曲檻層霄蔽畫樓  
回首華林行樂地白雲長繞舊宮溝

東武山從齊郡  
飛來故稱靈峯

劉駕部宅即事

新河門巷水澄鮮駕部風流不記年幾葉鳴睢開府後  
一行雛鳳過庭前歌屏綺合珍珠履酒甕香分翡翠船  
舉目龍山如罨畫支頤有客意悠然

葉燮同侄舒崇宋思玉游越寓玉虛道院

江東三俊早知名歲暮同來勾踐城節使開樽官解冷  
井公留榻道壇清秦屏雪後山花凍禹穴烟深古樹平  
莫問舊時朋好在十年采苦竟無成

舟過漁林關望沈功宗墓

落日漁林放棹遲故人宿草望離離深憐子敬琴亡後  
恐負橋玄車過時江濶市亭環廢井關長賈舶近荒祠  
難尋下馬陵前路腸斷膠西君不知

登吳山蘭若同張孝廉

峇峩紺闕快同登直上吳山第一層  
樹杪寒濤翻北郭帆來古渡是西陵  
中天化雨迷香象落日秋風對季鷹  
我欲遠尋蓬島去何年東望海雲蒸

春江

湛湛春江覆綠波夕陽江上奈愁何  
人家菰菜新晴少浦口楊花薄暮多  
野霧行舟迷遠渡晚寒歸鳥聚高柯  
到來三載隨漁父不道還為澤畔歌

軍城早秋

關門萬里羽書稀  
大將防秋出武威  
高天殺雁角弓厲  
平地坐人毛馬肥  
雲連城障頻移旆  
風起沙河早授衣  
但語蹠林休再會  
漢家新解貳師圍

送賈明府入關中

安西萬里舊咸關  
上客雞鳴早度閒  
地入郟陽逢雪盡  
春來杜曲看花還  
漢京久踞三秦勝  
蜀道難通五丈間  
君去若能尋馬季  
莫教東市浪追攀

送別

大江東下水瀾瀾送子江亭酒一卮塞上黃花隨定遠  
山前紅草是將離荒雞淮浦殘星斷匹馬燕關落照遲  
我本無家君又別海天長望使人思

西河集卷一百七十六

欽定四庫全書

西河集卷一百七十七

翰林院檢討毛奇齡撰

七言律詩 四

重陽日城山晚眺同姚監郡張廣文徐徵君作

城山一名  
越王城

清秋高眺萬山中  
勾踐曾經此築宮  
拔地鷲峰何截嶺  
當年烏喙本英雄  
巖垂橘袖侵衣綠  
酒汎茱萸映面紅

讀罷荒碑歸去晚前溪新月漸瞳朧

海鹽徐媛未歸時其夫以父被仇殺得癘疾家  
人請離異媛不許相隨數十年邑紳士爭贈

以詩

驚鳧汎水唼朱鹽猶是當牕理鏡奩孫翊家讐慚未報  
伯牛寢疾有何嫌單棲不信裁雙枕偕老誰曾織一縑  
竊笑幽巖女貞樹也當連理傍瑯櫓

寄潮州使君

專城萬里投金符渺渺寒潮瀉玉壺嶺表舊傳廉叔度  
天南重見管夷吾丹樓日出飛鸞鳳皂蓋春還聽鷓鴣  
誰信瀛陽標勝蹟風流千載在東吳

贈甘山人

湖海蕭疎斑鬢生身藏九畫應龍經表安願乞司徒地  
陶侃曾分刺史城江草綠隨屐杖發山花紅映佩刀明  
獨憐五嶽追游晚不及看君萬里行

謁贈天衣乾大師



五蓮峰下舊耆閣高座重來轉法華海藏自翻金貝葉  
天衣真繡木蘭花僧伽東渡曾開地謝客南還不見家  
希軻曰謝靈運稱在家出家時西河未歸故云願借九龍潭畔宿長隨妙會聽  
無遮

漫贈

空倉鵲去鳥爭啼不見盤中蘇氏妻市舶暫逢吳下路  
移家近在越來溪朱樓晚閉楊花裏金彈春懸桂樹西  
自笑梁鴻長易姓賃春三載有誰攜

邊詞

薊門衰草獵花鷹游俠從來重五陵塞外蒙戈垂豹尾  
石中飲羽見猿肱邊臣昨歲通青海漢將乘秋過白登  
但渡隴頭流水去不愁馬足折堅冰

祁公子將游金陵過別因贈

祁子臨行紫綺裘春風三月舊京游維舟一過江郎宅  
走馬還登孫楚樓玉樹前朝瓊月滿烏衣何處夕陽收  
傷心莫向臺城望愁見烟花滿石頭

汝陰蕭行人枉過贈詩並有所餉依韻抒答

駢駢四牡喜幽尋高蓋移來禁苑陰驛路晨寒紅日近

山家秋老白雲深燒桐久愧鄉人識結襪難歌國士心

誰似賢門多薦達到今桂樹滿中林

繩祖曰時殿頭多出門下見七古卷

依韻贈蕭公子荃

趨庭遠道快追尋少小鄉名播汝陰高樹萬尋看欲上

平陂千頃坐來深東園濁酒開蓬徑南國佳人見蕙心

探取錦囊休問價山前估舶是雞林

渡江舟中作

青山叠叠大江隈  
渺渺江波竟渡來  
近岸沙城隨擢轉  
知風海鳥共帆迴  
天垂吳楚浮雲下  
地闊東南錦浪開  
烽火夕陽亭障外  
依然當日妙高臺

夜坐江上僧舍有作

南樓舊事興難同  
獨坐西堂對遠公  
駕鶴霧驚沙路白  
芙蓉霜折小池紅  
秋半寒潮生海上  
夜深涼月過門東  
何事淵明不歸去  
長持濁酒卧花宮

二

西堂薄霧散蓬蒿坐聽哀鴻度石壕萬里誰同員嶠月  
三年只看廣陵濤荒臺夜解青蓮法野寺秋寒白苧袍  
何時還向山陰道一聽支公拂塵豪

喜遇陸圻因贈

十年惜別在錢唐兩度逢君入豫章考獄久知原陸續  
上書誰不念鄒陽中春夜對湖西酒隔歲風高嶺外裝  
羨汝桐鄉曾過鯉重來還拜舊祠堂

麗京尊大人兩宰  
吉安皆有祠時麗

京重定祠  
典碑記

懷徐大滯南城

徐卿匹馬走江關，一去南城久未還。  
坐客競傳鸚鵡賦，懷君只在鳳凰山。  
天垂盱水低三楚，春轉瀘溪動百蠻。  
同在他鄉占物候，此中新柳共誰攀。

飲劉氏贈送客以婦病歸別

紉鼓沈沈蘆葉哀，春城燈火又將催。  
人豪不共公榮飲，婦病翻憐奉倩才。  
待路驪駒歌宛轉，銜雌黃鵠羽摧頽。

何緣五載無家客也望明河相送來

投吳寺宿懷吳江徐鈞顧有孝

渺渺吳關何處棲  
姑蘇城外舊招提  
齋鐘晚度龍堂冷  
香閣宵分象緯低  
夜鵲暫投雙樹下  
秋風長動五湖西  
只憐旅夢相尋路  
漫水長橋咫尺迷

江令宅

即江寺蕭山市北

龍從貝闕現三車  
云是南朝散騎家  
海甸翠翻祇苑樹  
山門紅對市橋花  
瑠壇盡日聞仙梵  
綵筆何年寫法華

我欲再尋同泰講臺城一望在天涯

二

江郎祠宇久蕭蕭尚有閒僧繼六朝高閣諸天環碧海  
斷垣雙塔傍青霄蓮開東土銜馴象草長西園拾賜貂  
自笑穀城懷錦客重來此地夢俱遙

虔州曾孝廉自寧夏獲薦歸遇姜弱翁宅

西行不肯奪儒冠獨上雄州看馬盤去國曾參原不賤  
游秦范叔豈愁寒河流峽下歸靈武雪滿天都走賀蘭



萬里鳴沙能躍劍翻驚此地到來難

吳城贈別陸五之真州

椒丘東望水粼粼吳子城邊別故人駟馬幾時歸海甸  
雙龍猶自躍雲津晴風闕樹飛黃鳥暮雨汀花散白蘋  
此去江南春正好憐君三月下儀真

憇紫陽洞同大敬桐音南士

秋江練影挂中林共坐松壇聽語禽碧署玄書慚抱璞  
紫陽丹竈羨燒金懸崖天半控瓏氣過礪雲移薜荔陰

四顧儻能尋舊跡三宮還在最高岑

紫陽洞歸

高峰遠憩竟忘歸迤邐荒臺竚落暉紫蘚洞中懸竹筏  
黃杉徑曲蔓蘿衣遙天龍捲田橫塞倒海潮生巖子磯  
萬里玄瀛方在望肯教蓬館到來稀

王使君歌席

楊花初落似江南太守張筵繞碧潭座上狂生來阮籍  
此中良吏是龐參清歌出幕風教斷華燭當盃月共涵

舞罷青衫烏鵲起醉歸應借使君驂

送姜八廷擢公車

金門挾策甫歸旋又值公車上計年供帳重開江令宅  
鳴鈺先發孝廉船燕臺駿馬橫邊雪帝里穠花接禁烟  
郊祀既成需待詔看君此去賦甘泉

時值郊祀後

客中送王孝廉歸汝南

潯陽舟畔共銜卮朝日浮波惜上遲洛下未能同鳳舉  
旅中何易見牛醫涉江美子披荷葉故國王孫望桂枝

萬里楚天君獨返五闕雲樹是相思

希軻曰楚辭云夫君兮自有美子

張梯墓下作

翹翹夏木掩泉關天柱峰邊夜自還墓下未留吳季劍  
望中何處謝家山聽來谷鳥緣溪轉看去原花滿地斑  
不道故人相失後十年流落在人間

飲鎮江軍府曹佐戎幕

新叅北府建門旗歲暮留賓傍海涯戲下稱觴通臂將  
帳中舞劍銳頭兒金盤虎爪擎來緩玉甕駝酥點去遲

羨汝江南初下日提戈還念舊毛錐

參上人枉示詩集并較定古本大學戲作長慶

體酬意

新雲百疊上衣裾笑解花函拂蠹魚  
瑤瑟已成湯惠句石經仍作蔡邕書  
敢言釋教通儒教自演三車得五車  
白馬未來麟冊啓須知此際有真如

贈督河使君

河隍漢使舊星槎四十為郎鬢未華  
馬頰秋渠銜竹箭

龍門春晝下桃花平漕軍賦連芻軸都水官錢縮艾綱  
神禹九年稱底績當時只屬五工家

西陵渡即事

望京門外舊樟亭驛路臨江蔽遠坳風轉一帆沙嶼白  
天低兩岸海潮青通關賈軸搖旌旆下瀨軍書綴羽翎  
叢笛幾行相望隔有人垂釣在滄溟

二

錢唐西路固陵船十里平沙官渡遙鎮海舊樓飛紫蜺

教兵新堞散紅椒

希軻曰越絕書有教兵城今又名教兵有新壘

平原兔暖看

馳獵曲港鯁高欲上潮白馬素車長在望哀魂千載竟

誰招

上江寄藩下楊守軍末舟估艙適新燕飛來楊

命女書記書杜甫燕子來舟中詩索和因宴

前舟仍合書兩詩白巾為壽

朱門華屋待歸稀錦纜紅檣且暫依穿幔偶然驚柁鼓  
銜泥豈敢污牕衣風開繡臆憐多語影下清江惜對飛

海畔春還無舊主  
片時相傍莫相違

詔舟燕用杜甫韻

紅襟海燕畫梁春  
翠尾涎涎掠水新  
豈厭朱樓思去主  
慢停金櫂遠窺人  
重檣枉拂釵頭玉  
隔幔空翻掌上身  
孤客十年無淚拭  
不須銜送白龍巾

過張贊府別署

江城試吏又經年  
江畔招予共飲泉  
寄跡尚能追漢尉  
解蒙今始見張玄  
春風燕雀飛江館  
夜雨桑麻繞郡田



回首十年同學事青衫相對兩茫然

襄陽嚴中丞游越枉示鴻踏草詩筆杼韻奉

酬

襄陽耆舊漢中丞八月乘槎到永興  
白雪早傳梁苑賦  
寒風秋上夏王陵  
賜書豈敢留嚴助  
奪席終教坐戴憑  
渺渺飛鴻遺爪去  
遙天相望最騫騰

送桐音南遊

春江南下水潺潺  
君去湟川度庾關  
地界九龍連百越

天開五嶺控諸蠻，珠船行過波中市。  
蜃氣看成海上山，假使黃金能滿橐。  
便隨陸賈共來還。

二

南行萬里出番韶，去看紅蕉與綠蕉。  
嶺騎似翻天畔羽，鄉書應潤海邊潮。  
官臺犀燭開筵敞，徭戍戈門接洞遙。  
痛汝招魂心獨苦，十年藩使未歸朝。

桐音先大人  
殉南越方伯

夜飲惜別

石井欄堂草露浮，夜闌燒燭醉還留。  
英雄何地依劉表。

嫵婉經年是莫愁  
樟葉滿亭翻月落  
桃根無櫓逐江流  
清絲妙管當筵發  
休聽寒雞唱戍樓

同諸公豪飲劉駕部宅醉中示諸妓

鄴中才子重應劉  
駕部閒堂相勸酬  
暇日開樽同北海  
紫雲到座勝揚州  
歌來黃鵠翻林葉  
酒觸紅裙漬石榴  
不道漫游金谷裏  
有人醉死綠珠樓

二

駕部風流綺席開  
座中名士鄴中才  
不辭美酒盈盤貯

還遣花娘出幕來  
趙璧五絃彈越調  
淳于一石醉齊臺  
滿前無數金波落  
未識何人手內杯

南鎮即事

揚州巨鎮禹陵西  
祠廟千年古會稽  
周制職方傳玉版  
虞廷封冊在金泥  
丹崖翠榜浮雲聳  
碧草紅裙細路迷  
帝禪不逢村賽起  
洞簫吹去倍淒淒

秋日吳門姚宗典  
俞南史歸莊葉世  
全嚴祇敬  
費誓葛雲芝  
文果毘陵王廷璧  
皖城方將游

越過訪仝人畢集各賦

清秋高會集羣才落日同登江上臺鴻鴈肯隨颿影至  
黃花頻向酒杯開探書穴在秦人杳採叢歌憐越女來  
勿惜舊時良讌隔十年雲卧總蒿萊

游靈隱寺賦得山鐘夜度空江水

靈鷲山空鎖寂寥疎鐘隱隱動清宵林間響落聽來緩  
水面風生度去遙入壑恍連天竺雨開門長對浙江潮  
夜寒恐有青龍起莫便聞聲過石橋

七夕天衣寺

清秋烏鵲化城飛，又值銀河掛翠微。  
梵閣不通牛女駕，香臺自曝象王衣。  
人家傍晚爭穿線，婦織何年得下機。  
雲路星橋纔咫尺，到來故國望俱非。

二

古寺層臺骨辟羅，今朝帝子又停梭。  
蓮花鳳輦天邊近，寶樹蛛絲雨後多。  
數歲海槎難載石，一行山鵲欲填河。  
珠宮未得通南巷，手把長竿奈阮何。

送出塞

遼陽遷客海東頭二月嚴裝上錦州絕塞亂雲垂地盡  
寒壕瀉日帶冰流行車遠度鷹關曉去馬剛隨鴈塔秋  
聽得摩多新曲子教人腸斷古伊婁

二

鐵嶺峒堯初下關投荒萬里絕人寰東青時起天邊壘  
長白春深雪滿山毳帳偶吹新筦葉羊皮頻裹舊刀環  
相思只待秋風早看汝征蓬海上還

奉輓故范給事夫人來太君

畫衣丹紉擁靈輶壽母乘雲鑑水濱舊省尚多虞殞客  
高堂只有報劉人秋霜孤燭歌茹苦春草荒碑臥受辛  
十載諫垣勞夙夜當時長自聽雞晨

奉輓河南呂忠節公殉難詩

同朱敬身  
張南士作

司馬曾留神臂弓黑頭歸假尚書公七兵久已推公著  
羣盜何期寇呂蒙碧血自藏緱氏嶺黃巾竟擾洛陽宮  
朱衣象簡懷風節長在山河一望中



贈諸暨駱君初度時三月四日

九成山館浣江邊  
高臥于今五十年  
問世久為縣竹誦  
傳家尚有帝京篇  
花開歲勸長庚酒  
水曲春迴上巳船  
此際君家最堪念  
丈人挾瑟且調絃

海昌沈太翁隱居九十

元伯徵君  
大尊人也

百尺高樓傍海居  
仙翁九十佩瓊琚  
青雲繞膝皆垂譜  
烏鳥陳情甫上書  
好學時聞淇右詠  
傳經不共濟南車  
百年再起懸弧宴  
為汝銅盤學釣魚

寄王子

時讀螺  
峰集

洛思山下舊逢君，百里相過日未曛。  
一自甲兵原上散，不堪風雨嶺頭分。  
天涯碧草看成樹，峰際青螺望似雲。  
那幸輞川新句好，隔林還得一相聞。

東江讌集即席贈甬上秦大行洪明府暨陳范  
諸孝廉

東江高讌集衣冠一座才名盡，建安妓部笙簫揚錦席。  
姑山風雪下銅官，雞壇酒合金盤淺。龍劍光爭燭樹寒。

猶是明州越州客到來俱作鄴宮看

西陵道憶李侍御

西陵舊驛接蓬萊  
獬豸東巡幾度迴  
漢使乘槎終遠去  
秦人採藥未歸來  
春深雲擁蠶叢路  
日暮花飛勾踐臺  
自汝著書辭柱下  
人間無復伯陽才

錢唐逢故人

西陵咫尺是天涯  
喜汝從予江上槎  
兩度陶朱思返越  
百年張儉竟無家  
鄉關恨屆鑽榆節  
里巷羞乘廣柳車

壯士不還仍遠去江東兄弟慢咨嗟

晚泊口號

十里吳關蛟岼長帆檣千片暮相望滿江紅浪浮新霽  
隔岸青山帶夕陽大賈幾曾來越客小姑不用嫁彭郎

樓船簫鼓秋風裏嫋嫋吹來欲斷腸

繩祖曰蛟磯在蕪關

賦得孤鶴橫江和曹嗣昌

舊選係他人偽作誤刻今盡刪去

萬里秋宵一鶴橫大江西傍武昌城高騫清影波間落  
直視浮雲天際生遷客祠前虛比翼仙人山半欲吹笙

長風載得凌霄去夏口烟波空復情

立春日大敬生男賦賀

東郊綵仗百花舒佳日忻傳景僕書斗轉蒼龍堪繫紱  
天邊紫氣自充閭香蘭晚歲留芳珮玉燕先春集翠裾  
我欲錦襴初浴後為君重餽孔家魚

二

十年不復賦熊羆何幸春回正誕彌韋氏遺經方有待  
商瞿得子未全遲葭原細發青麟草桂樹新生綵鳳枝

洛下從君遊襖久有誰還喚蔡克兒

希軻曰蔡子尼名克近作蔡克誤

奉贈郡憲使萊陽宋公夫人生日是日初春微

雪

東藩曉啓婺光開繡帔金冠映上台四國母儀三壽冊  
一堂官誥萬年栢花縈禹嶠珠衡轉雪滿秦屏玉女來  
莫道滄洲東望遠夫人家本在蓬萊

得爰彤葆書并末方送諸子出塞詩有感

石頭尚有寄書郵懷袖將探淚已流尺素幾行藏錦字

雙金不斷是銀鈎  
春還遼海投遷客  
雪滿江淮刺去舟  
誰唱婆羅商調苦  
邊關如送李殷遊

寄贈吳門程西毓初度

安定先生靜者流  
蕭然自放古長洲  
時當五月猶披褐  
家在三江未泛舟  
膝下有人推孝則  
吳中高士是言游  
何時載得滄浪水  
為汝開軒洗玉甌

答丹陽賀宿原韻

思君十載未能過  
邂逅依然採薜蘿  
傾蓋久虛吳地諺

同舟願聽越人歌  
黃公壚下桑郎熟  
秦氏樓頭桂樹多

時飲秦樂天宅

猶是天涯流浪客  
相逢不醉奈愁何

看梨花和韻

春深新葉暗樓臺  
猶有梨花照酒盃  
數點漸從風裏下  
一枝偏向雨中開  
迷人翠幌連霄合  
寒女綳裙帶露裁  
自愧潘生言志晚  
不教大谷賦名材

淮西使君九日席上贈郭襄圖作

潢河東下鴈亭秋  
乘興還為淮蔡遊  
當日賢王曾築館



今來司隸好同舟樽前紫袖歌聲度屏外黃花燭影留  
莫怪西園詞賦少相逢王粲正登樓

長至飲羅生

萬里中原擁劍鐔驅車何處問羅含從來高士推江表  
長至逢君在濟南玉瑄碧吹原上草金盤紅滿洞庭柑  
東封自古多雲物醉裏登臺仔細探

汝南郡署飲次

郡堂修竹散烟低漉酒留賓醉欲迷一顧尚慚燕市駿

幾年空聽汝南鷄座中名士輸羊曼肘後陳編笑馬蹄  
勿怪氍毹長擁卧夜來風雪滿淮西

飲息縣同王孝廉

陶公留客晚開衙井上雙桐噪暮鴉隔院寒風飄玉瑄  
滿街晴雪散冰花銅壺響逐飛觴盡燎火光隨舞袖斜  
最愛座中揮麈者孝廉家本舊瑯琊

陪諸公南湖舟集和韻

初迴錦纜駐雙驂千頃波光似鏡涵天外遠山開罨畫

雲間高閣覆優曇羣公暇日追河朔太史占星聚汝南  
莫道行游無紀述座中相對有桓譚

二

芳塘澗潏泛輕鳧五月薰風長綠蒲望去樓臺橫北郭  
晚來歌吹滿南湖裝成雪蘼浮金盃坐看冰心映玉壺  
但惜醉歸新月好不知還有夜珠無

答夏聲贊府和韻

與君一別郡亭西長向遙天望綵霓自笑鹿門難遽返

莫嫌鳳羽尚卑栖  
晚尋仙洞新詩在  
日飲官齋舊路迷  
猶記南還思最苦  
關前高柳正蟬嘶

原韻答何朝宗

夜涼騎馬過街西  
醉舞樽前見羽霓  
淮浦人從天外度  
汝南鷄在雪中栖  
深林蕙草貽來晚  
繞屋梅花夢去迷  
誰念朔風當此際  
颼颼出谷鎮長嘶

從雨花臺至牛首道中

天界寺前黃葉下  
雨花臺畔白雲還  
同踰峻嶺盤空曲

卷一百七十七  
遙見長江繞大寰，隔塢芋田秋未獲。  
疎林草舍晝常關，游人不盡徘徊意。  
聊寄南庄信宿間。

宿王言憲使庄

落木蕭蕭何處村，松關繫馬來來昏。  
凋闌暮雨聽山閣，華表秋風拜墓門。  
時謁王太君夜臺庄左徑有名泉流暗草，缸開

新釀覆香蓀。此間已是山陰墅，不用還尋謝傅墩。

奉答倪棨原韻

自辭濠上尋中散，曾在梁園賦子虛。  
入世已無操瑟想。

聞君尚有帶鋤書東田  
秋到花開後西浦人逢落鴈初  
只道乘風應萬里相看猶是舊蒿蘆

偕沈華范同住秦淮有贈

團團槐葉減秋陰江介同過快滯淫賦就烟雲生四壁  
畫成蛺蝶值千金王郎渡口花舡緩孫楚樓頭酒樹深  
最是吳興容易病莫教相對起愁心

過舊院和陳憲副作

舊院荒涼極望迷女牆頽處綠楊低庭餘鳥雀銜金粟

瓦散鴛鴦覆玉鏡桃葉一江環巷北莫愁兩槳去城西  
當年多少陽臺雨化作浮雲何處攜

答贈黃虞稷江南鍾韻

黃金高築不曾逢敢道才多氣似龍客路經年乘下澤  
官齋卧日到高春王通家有三珠樹和嶠身如千丈松  
何幸臺城重會合秋宵一聽景陽鐘

二

虛傳往日賦明河十載長淮未放舸秋盡論詩逢沈約

時寓沈  
主考館

年來講易共田何  
龍江過雨低紅蓼  
牛首看雲  
捫綠蘿  
建業重逢愁思遠  
敢言對酒不當歌

錢封君壽

令子副  
使嶺南

羨汝耆英洛下同  
銜觴長對玉津宮  
庭前令器推王坦  
坐上通家是孔融  
鳩杖屢扶江草碧  
鸞書新賜海蕉紅  
可知八百人間壽  
只在錢鏗指顧中

陪諸公飲歸酬贈錢大德震

春船載酒渡江濱  
野館濃花帶日曛  
許下早知繁主簿



座中今識孟叅軍當筵皂帽敬紅藥對岸青山掛白雲  
慚愧十年違襖飲空從洛水誦君文

飲趙解元舅之鼎宅時令嗣新領鄉薦

十年獻策在椒除重會親朋解索居戶外不嫌東郭履  
箭頭曾作仲連書雲飛玉笋看行酒雪滿金刀試膾魚  
竅愛趨庭裁結髮也隨賢父上公車

西河集卷一百七十七